



- considérant le rôle important que le *Traité de Lisbonne attribue aux parlements nationaux en matière de politique européenne*;

- *saluant la volonté de la Commission européenne de mener un dialogue approfondi avec les parlements nationaux et les sociétés civiles, et appréciant dans ce contexte la visite de la commissaire Madame Cecilia Malmström, le 26 février 2015 à la Chambre des Députés*;

- *appréciant les échanges réguliers concernant le PTCI/TTIP entre le Gouvernement luxembourgeois, la Chambre des Députés, les membres luxembourgeois du Parlement européen et la société civile luxembourgeoise*;

- *constatant que le Parlement européen ainsi que tous les parlements nationaux des pays membres de l'Union européenne suivent avec grand intérêt le déroulement des négociations des accords de commerce internationaux, et notamment celui du PTCI/TTIP*;

- *rappelant que les présidents de tous les parlements nationaux des États membres de l'Union européenne se sont exprimés en faveur d'une ratification du PTCI/TTIP par chaque parlement national*;

invite le Gouvernement

- *à veiller au sein du Conseil et auprès des autres institutions européennes à ce que le PTCI/TTIP, une fois négocié, soit soumis à la ratification par chaque parlement national des États membres de l'Union européenne, conformément aux procédures légales de ces États*.

(s.) Marc Angel, Fernand Kartheiser, Claude Adam, Gusty Graas, Laurent Mosar.

Merci.

► **M. Mars Di Bartolomeo, Président.**- Merci dem Här Angel. Vu dass mer elo souwisou op den Ordre du jour iwwerginn, géif ech proposéieren, dass mer, wann d'Chamber do dermat d'accord ass, déi Motioun géife muer en début d'ordre du jour huelen.

4. Communications

Ech wollt awer virdrun nach eng Rei vu Kommunikatiounen un d'Chamber maachen:

- 1) D'Lëscht vun de parlementareschen Ufroen an Äntwerten ass hei deponéiert.
- 2) D'Lëscht vun den neie Projeten ass un d'Fraktioun verdeelt ginn.
- 3) An d'Lëscht vun deenen neie Petitiounen gradesou.

Communications du Président - séance publique du 7 juillet 2015

1) La liste des questions au Gouvernement ainsi que des réponses à des questions est déposée sur le bureau.

Les questions et les réponses sont publiées au compte rendu.

2) Les projets de loi suivants ont été déposés à l'Administration parlementaire:

6831 - *Projet de loi portant création des sociétés d'impact sociétal et modifiant l'article 1832 du Code civil, l'article 6 de la loi modifiée du 19 décembre 2002 concernant le registre de commerce et des sociétés ainsi que la comptabilité et les comptes annuels des entreprises et modifiant certaines autres dispositions légales et l'article 112 de la loi modifiée du 4 décembre 1967 concernant l'impôt sur le revenu*

Dépôt: M. Nicolas Schmit, Ministre du Travail, de l'Emploi et de l'Économie sociale et solidaire, le 01.07.2015

6832 - *Projet de loi portant réforme des prestations familiales*

Dépôt: Mme Corinne Cahen, Ministre de la Famille et de l'Intégration, le 03.07.2015

6833 - *Projet de loi portant approbation de la Convention entre le Grand-Duché de Luxembourg et le Royaume de Belgique sur la coopération et l'entraide administrative en matière de sécurité sociale, signée à Bruxelles, le 5 février 2015*

Dépôt: M. Jean Asselborn, Ministre des Affaires étrangères et européennes, le 06.07.2015

3) Les demandes de pétition ordinaire suivantes ont été déposées:

Pétition ordinaire n°**517** - *Pour la mise en place d'une plaque commémorative concernant les évacués luxembourgeois de la Seconde Guerre Mondiale*

Dépôt: 27.06.2015 par M. Claude Eich

Pétition ordinaire n°**518** - *Pour la mise en ligne d'un traducteur de texte luxembourgeois*

Dépôt: 02.07.2015 par M. Claude Eich

(Tous les documents peuvent être consultés à l'Administration parlementaire.)

5. 6830 - Proposition de loi modifiant la loi modifiée du 25 février 1979 concernant l'aide au logement

Déclaration de recevabilité

Dann huet d'Presidentekonferenz an hirer Sëtzung vum 2. Juli sech fir d'Recevabilitéit vun der Proposition de loi 6830, enger Ofännerung vum Gesetz iwwert d'Aide au logement, ausgeschat. Déi Proposition gouf den 30. Juni vum Här Marc Lies deponéiert.

Ass d'Chamber mat der Proposition vun der Presidentekonferenz d'accord?

(Assentiment)

Merci. Dann ass dat esou décidéiert.

6. Ordre du jour

Dann hutt Der zougestallt kritt d'Propositionen fir den Ordre du jour vun dëser Woch, wéi e bei der leschter Presidentekonferenz opgestallt ginn ass. Opgrond vun der Disponibilitéit vum Ausseminister wollte mer zu deem doten Ordre du jour eng Rei vu Modifikatiounen proposéieren, déi awer am Virfeld och mat de Fraktiounschefen ofgeschwat gi sinn.

Deemno géife mer de Mëtten, nodeem mer d'Urgence vun där Fro, déi vun der CSV kënnt, ugeholl hunn, déi Question urgente - nodeem mer den Ordre du jour verofschit hunn - elo direkt behandelen.

Da géife mer muer de Mëtten déi Motioun, déi elo just deponéiert ginn ass zum TTIP, en début d'ordre du jour huelen a mir géife proposéieren, fir d'Punkte 5, 6 a 7 op spéider Sëtzungen ze vertagen.

Soss bleift alles onverännert um Ordre du jour, deen e puermol hin- an hiergaangen ass, mä deen, mengen ech, awer elo misst konsolidéiert sinn.

Ass d'Chamber mat där Proposition d'accord?

(Assentiment)

Merci. Dann ass dat esou décidéiert.

Mir géifen dann direkt zu deem neie Punkt vum Ordre du jour iwwergoen, der Question urgente, déi vun der Madame Diane ADEHM - am Numm vun Gilles Roth mat - géif virgedroe ginn. Madame ADEHM, Dir hutt d'Wuert.

7. Question urgente n°1273 de Mme Diane ADEHM et de M. Gilles Roth relative à une liste de clients circulant sur Internet

► **Mme Diane ADEHM** (CSV).- Merci, Här President. Ech wëlt eng Fro stellen am Zesammenhang mat engem Artikel, deen haut an der Dagespress opgetaucht ass, wou et ëm déi italesch Firma „Hacking Team“ geet. Déi Firma, déi ass ënner anerem drop spesialiséiert, fir den Trafic vun den Donnéeën um Internet ze iwwerwaachen. An do ass elo eng Clientslëscht um Internet opgetaucht an an där Clientslëscht steet ënner anerem och d'Lëtzeburgerger Steierverwaltung dran.

An deem Zesammenhang wollt ech wëssen - also, meng Fro richt sech eigentlech un de Finanzminister -, ob de Minister kéint déi Informatiounen konfirméieren. Ech wollt wëssen, wat d'Steierverwaltung ganz genee bei där Sociétéit „Hacking Team“ kaaft huet. Wann et sech dann ëm en Iwwerwaachungslogiciel sollt gehandelt hunn: Firwat huet d'Steierverwaltung deen heite Logiciel kaaft a firwat ass dee Logiciel benotzt ginn?

Huet d'Firma „Hacking Team“ d'Lëtzeburgerger Regierung respektiv d'Steierverwaltung informéiert, dass si gehackt ginn ass?

An da wëilt ech och nach wëssen, wann dann dee Programm sollt kaaft gi sinn: Wat huet dat dote kascht a vu wéi engem Budgetartikel ass et erofgeholl ginn?

► **M. Mars Di Bartolomeo, Président.**- Merci der Madame ADEHM. An elo huet de Statsminister, den Här Xavier Bettel, d'Wuert.

► **M. Xavier Bettel, Premier Ministre, Ministre d'État.**- Här President, Dir Dammen an Dir Härren, ech wëll der Madame ADEHM an dem Här Roth och Merci soen, dass ech d'Méiglechkeet kréien duerch hir Fro, hei direkt iwwer en Aktualitéitsujet, dee selbstverständlech fir vill Opreegung suergt, Kloeerheet ze schafen.

Et geet prezis ëm déi Clientslëscht, esou wéi d'Madame ADEHM et gesot huet, vun „Hacking Team“, déi am Fong elo selwer gehackt goufen a wou am Fong déi Informatiounen, déi si hatten, publizéiert goufen a wou ënner anerem dann „Luxembourg Tax Authority“ dropstoung.

Wéi ech gëschter Owend déi Nouvelle iwwert d'Press matgedeelt kritt hunn, hunn ech direkt och ronderëm eng Mail gemaach bei déi verschidden Administratiounen, bei déi verschidde Responsabel, fir ze kucken, wat do dru wier. An haut de Moien hu mer vun de Servicer op jidde Fall, déi mat der Steierverwaltung schaffen, an der Steierverwaltung och selwer kloer gesot kritt, dass et net esou wier, dass d'Steierverwaltung e Lien hätt mat där Firma. Si fannen och keng Rechnung an och kee Lien - an och keen Numm - mat där doter italescher Firma.

Den SRE allerdéngs, an ech mengen, et soll ee jo och en toute transparence hei kënne schwätzen, huet bei dëser Firma e Logiciel kaaft. Déi Décisioun geet zrëck op de 16. Mäerz 2012, wou den SRE vum deemolege Statsminister Jean-Claude Juncker den Accord kritt huet, fir dës Software ze kafen an och ze testen.

Et handelt sech dobäi ëm e Logiciel, dee gebraucht gëtt fir d'Interceptionne vun de Kommunikatiounen. Nodeems déi Tester gemaach goufen an déi zoustänneg Chamberskommission och informéiert gouf, ass antëscht, och am Respekt vun de Prozeduren, zweemol - a just zweemol - de Logiciel agesat ginn, an dat selbstverständlech am Kader vun de Missiounen vum SRE an och am ganze Kontext vum Cadre légal, dee virgesinn ass vun de Prozeduren, déi mussen hei gemaach ginn.

Ech wëll hei och ënnersträichen, Här President, dass et sech hei net ëm déi dacks zitéiert Da Vinci-Software handelt an dass dat net de Fall hei ass, mä ëm e System, dee speziell fir d'Besoinen vum SRE konzipéiert gouf. De System - d'Madame ADEHM huet och gefrot, wat et kascht huet - ass deemools budgétiséiert gi beim Budget vun 2012 fir 300.000 Euro. E wäert dann iwwert de Statsministère deemools gelaf sinn. Ech muss dat awer nach iwwerpräiwen.

Ech wollt einfach just haut déi Äntwerte ginn, mä ech kann dat doten awer nach iwwerpräiwen, mä e wäert deemools iwwert de Budget vum Statsministère gelaf sinn 2012. Op jidde Fall: 300.000 Euro.

An déi lescht Fro och, Här President, déi d'Madame ADEHM gestallt huet, war, ob déi Firma eis informéiert hätt, dass se gehackt gi wier: Neen! Ech soen lech et, mir hunn net d'Informatioun kritt, an déi Firma „Hacking Team“ huet eis net kontaktéiert, nodeems déi Lëscht hei public war.

Merci.

► **Plusieurs voix.**- Très bien!

► **M. Mars Di Bartolomeo, Président.**- Merci och dem Här Statsminister.

Mir géifen dann zu der Froestonn iwwergoen, déi mer haut de Mëtte programméiert hunn. Wéi Der wësst, hunn d'Froesteller, déi ofwieselnd vu Majoritéit an Opposition kommen, jee zwou Minutte pro Fro zegutt an d'Regierung huet véier Minutten, fir dorop ze äntwerten.

Eis éischt Fro ass d'Fro n°116, kënnt vum Här Gusty Graas a betrëfft: „En oppent Ouer fir de Bauer, de Wënzer an de Gäertner“.

► **Plusieurs voix.**- Aah!

8. Heure de questions au Gouvernement

- **Question n°116 du 6 juillet 2015 de M. Gusty Graas relative au lancement du projet «En oppent Ouer fir de Bauer, de Wënzer an de Gäertner», adressée à M. le Ministre de l'Agriculture, de la Viticulture et de la Protection des consommateurs**

► **M. Gusty Graas (DP).**- Ech schéngen do dat richtegt Thema gewielt ze hunn. Här President, léif Kolleeginnen a léif Kolleegen, Dir Dammen an Dir Härren aus der Regierung, effektiv huet de leschten 1. Juli de Landwirtschaftsminister en neie Projet virgestallt mam Sujet „Een oppent Ouer fir de Bauer, Wënzer a Gäertner“, a vum nächsten 13. Juli un, dat ass also den nächste Méindeg, soll dann och e speziellen Telefon fonctionnéieren, wou dann déi Verrieder vun deenen dräi Berufsgruppe sech kënnen orientéieren, kënnen nofroen, wa se gewësse Problemer hunn. Op där anerer Säit gëtt den Telefon bedéngt vun enger Rei Experten, déi sech dann natierlech mat där ganzer Matière auskenne mussen an déi dann och do wäerten déi néideg Erklärungen ginn.

Ech wollt duerfir an deem Kontext dräi Froen un de Minister Etgen stellen:

Éischtens: Wat sinn u sech d'Ursaachen, firwat datt déi Initiativ do elo hei geschafe ginn ass?

Eng zweet Fro ass: Wat fir spezifesch Problemer sinn do an éischter Linn virgesinn, déi solle behandelt ginn?

An drëtzens: Déi Leit, déi déi Telefone bedéngen, mussen déi och eng extra Formatioun

kréien, well ee sech jo awer ka virstellen, datt et e ganz vast Thema ass, wat hei ofgedeckt gëtt? An deem Sënn wier ech frou, wann de Minister géif zousätzlech Explikatiounen ginn.

Ech soen lech Merci.

► **M. Mars Di Bartolomeo, Président.**- Merci dem Här Graas. An d'Wuert huet direkt de Landwirtschaftsminister, den Här Fernand Etgen.

► **M. Fernand Etgen, Ministre de l'Agriculture, de la Viticulture et de la Protection des consommateurs.**- Här President, Dir Dammen an Dir Härren, viwech wëll ech dem honorable Kollege Gusty Graas Merci soe fir déi Fro. Ech mengen eng Initiativ, déi de Landwirtschaftsminister déi lescht Woch zesumme mat der Chambre d'Agriculture an dem Maschinenring presentéiert huet.

De landwirtschaftleche Secteur huet sech an deene leschte Jore mat enger Vitesse entwéckelt, wéi se bal a soss kengem anere Wirtschaftssektor virkënt. Dat geet vum technesche Fortschritt iwwert d'Agarpolitik bis hin zum Stellerwäert vun der Landwirtschaft an der Gesellschaft. D'landwirtschaftlech Betriber entwéckelen sech an deem Ëmfeld lafend an enger grousser Bandbreit a Villfalt. Dat geet vum klengen Nischebetrieb iwwert den traditionelle Familljebetrieb bis zum traditionelle familljefeierte Betrieb mat enger oder méi friemen Aarbechskräfte. Si hunn all eppes gemeinsam: Famill a Betrieb, déi si matenee verbonnen. D'Vergaangenheet huet awer bewisen, datt familljefeiert Betriber sech an deenen Zäite vu schnelle Verännerungen engersäits als ekonomesch méi stabil an effizient erweisen hunn an anerersäits immens upassungsfäeg a verantwortlech sinn.

Dës Relatioun tëschent Famill a Betrieb ass eng grouss Stärkt vun eise landwirtschaftleche Secteur a gëtt duerfir vun eiser nationaler Politik och ëmmer erëm méiglechst staark ënnerstëtzt. De Bauer als Mënsch steet dobäi am Mëttelpunkt. Mä datt heescht awer och, datt dee Mënsch oder déi Famill emol kann a Schwieeregkeete kommen, déi sech dann op de Betrieb ausbreede kënnen. Oder ëmgedrënt: Problemer am Betrieb kënnen d'Familljeliezen duercherneebréngen.

An esou Momenter ass et wichteg, e kompetente Gesprächspartner erreechen ze kënnen, deen déi spezifesch a komplex Situatioun vun engem Baurenbetrieb kennt a mat deem een iwwert dat perséinlecht a vertraulecht Uleies kann anonym schwätzen. Dat weist och dat grousst Interesse un de Weiterbildungscourser, déi vum Maschinenring, dem MBR Lëtzebuerg, ronderëm psychosozial a familljesystemesch Themen organiséiert ginn.

An deene leschte Joren hunn iwwer 200 Baueren un dëse Coursen, déi vun enger diplomierter a ganz erfuerener Psychologin gehale ginn, deelgeholl. Ech mengen, eleng déi Participatioun weist, datt e gewësse Besoin do ass.

Duerfir huet am Fong de Landwirtschaftsministère zesumme mat der Landwirtschaftskammer an dem Maschinenring dës Initiativ geholl, fir de Projet „En oppent Ouer fir de Bauer, Wënzer a Gäertner“ an d'Liewen ze ruffen. Dës Hotline kann een ënnert der Gratisnummer 8002-7171 ab dem nächste Méindeg all Méindeg vun zwou Auer bis véier Auer ruffen. De Bauer kann zesumme mat sengem Gesprächspartner schwätzen an no Léisunge sichen, wéi scho gesot, anonym a vertraulech, a gëtt dann, jee nodeem, wéi de Fall läit, richteg weiderorientéiert.

Mir sinn dobäi frou, op d'Kompetenz an déi bénévole Mataarbecht vun der Psychologin zielen ze kënnen. Dëse Service, deen et vergläichbar och bei eisen auslänneschen Nopere gëtt, soll also eng Ergänzung zu bestehenden Offere sinn a soll hëllefen, Brécken ze bauen, do wou se néideg sinn. Et ass och een Element, wa vläicht och e klengt, vu Kompetitivitéit an engem net einfachen ökonomeschen Ëmfeld.

Et ass mer wichteg ze betounen, datt de landwirtschaftleche Secteur net méi Problemer kennt wéi anerer, mä dëse Secteur ass spezifesch an et muss een also dëse Spezifisitéite Rechnung droen. Ech géif mer wënschen, datt dëse Service esou wéineg wéi méiglech muss an Ursproch geholl ginn. Mä ech mengen awer, datt et gutt ass, datt mer e geschafen hunn. Mëttelfristeg wäert dann d'Erfahrung aus dësem Projet ënner anerem och mat der zou baidroen, Berodungssystemer am Dëngscht vun der Landwirtschaft weiderzeentwéckelen.

Ech soen lech Merci.

► **Plusieurs voix.**- Très bien!

► **M. Mars Di Bartolomeo, Président.**- Merci och dem Här Landwirtschaftsminister. Da géife mer zur nächster Fro iwwergoen. Déi kënnt vun der Madame Octavie Modert a geet ëm